

LA USC DI LADINS – VENERDÌ 2 NOVEMBRE 2012

Jean Ruaz al SUNS

Le musizist y ćiantatur da La Ila Jean Ruaz sarà incö ai 2 de novèmber a Udin sòn la paladina dl SUNS, le festival dles ćianties de mendranza

Musiga - Incö vëndres ai 2 de novèmber vègnel desfiré a Udin le SUNS, le festival de ćiantauturs de mendranza da Talia, Svizra, Austria, Slovenia y Francia. L'ann passè à tut pert le grup de "Cuntra Löm", che s'á ince davagné le pest dl publich.

Chèsc ann tolarà pert indò n ćiantatur ladin: Jean Ruaz da La

Ila, che se presenterà al publich cun la ćiantia "Perde", fora da súa CD nòia dal medemo inom. Jean Ruaz sarà da aldi ala usc y chitara, y gnarà acompagné sòn paladina dai fredesc Loris y Francesco Dallago (resp. bateria y bas), Matteo Cuzzolin al sax y Elisa Pisetta ala usc y chitara.

Sce le festival gnò i atri agn

presentè ince online en streaming, y le publich podò ćiarè y lité da ćiasa, à chèsc ann l'organisaziun mudé le sistem. Le concert ne gnarà nia trasmetü online, mo i grups gnarà valutà diretamènt dal publich presènt tl salamènt, y sambègn da na juria cualificada.

Por Jean Ruaz é chèsc festival na ocasiun por ciafè na sbürta sòn le tru musical, sciöche al dij: "Al ti dà n pü' de visibilité ai ćiantauturs de mendranza, y magari portel pro da cherié val' contac che po alisiré le tru da publiché scëibes nöies, y se fà plü sauri sòn le tru dla musiga".

Cun na devènta al SUNS se deura les portes por la gran finala dl LIET, che gnarà tignida chèsc ann al 1. de dezèmber, tl prinzipat dles Asturias tla Spagna. A Jean Ruaz i vâl sambègn les mius aodanzas por chësta esperiënza. Ince sce le titul dla ćiantia é "Perde", ti aodunse che al pois sambègn "Davagné". Chi che oress ascutè la ćiantia, à la poscibilité da le fà sòn le sit personal de Jean Ruaz, www.jeanruaz.it. (pablo)



Le musizist y ćiantatur Jean Ruaz. (Foto. jeanruaz.it)